

**Dirección Xeral de Educación, Formación Profesional e Innovación Educativa**  
**Admisión a ciclos formativos de formación profesional 2019-2020**

## Información importante. FP Dual

### 1. Requisitos de acceso

- Ter dezaoto anos ou facelos no ano natural en que comece o ciclo formativo. Nesta convocatoria non hai límite superior de idade.
- Cumprir os requisitos de acceso aos ciclos formativos.
- Carecer da cualificación profesional para o posto de traballo obxecto do proxecto.
- Non ter realizado con anterioridade un contrato de formación e aprendizaxe, e cumprir os requisitos establecidos na normativa laboral vixente para poder efectualo.
- Non ter superado ningún módulo profesional do ciclo formativo do proxecto solicitado, agás que fose cursando outro ciclo formativo.

### 2. Documentación

A solicitude de admisión deberá ir acompañada da seguinte documentación:

- Copia do pasaporte ou do documento de identificación da Unión Europea, cando non se dispoña de DNI ou NIE.
- No caso de non ter realizados os estudos na Comunidade Autónoma de Galicia, certificación académica dos requisitos de acceso.
- Currículo co formato Europass, que se poderá elaborar no enderezo: <https://europass.cedefop.europa.eu/es/documents/curriculum-vitae>

### 3. Procedemento de admisión e matrícula

O procedemento de admisión e matrícula ten dúas fases:

- Presentación da solicitude no centro educativo.
- Selección do alumnado pola entidade colaboradora e matrícula.

### 3.1 Presentación da solicitude

Deberáse cumprimentar a **solicitude para un único proxecto de FP dual**, utilizando o formulario normalizado [ED513A](#), que se entregará **preferentemente no centro onde se oferte o ciclo para o que solicita admisión** ou calquera outro que oferte FP dual.

Se a persoa solicitante presenta máis dunha solicitude ou solicita máis dun proxecto, non se terá en conta ningunha petición.

### 3.2 Selección pola entidade colaboradora e matrícula

Tendo en conta a listaxe definitiva de solicitudes a entidade colaboradora seleccionará ao alumnado.

Rematado o período de selección publicarase a listaxe de persoas admitidas e en espera.

As persoas admitidas (seleccionadas) nun proxecto de FP dual, deberán matricularse durante o período establecido no centro educativo no que teña a praza adxudicada.

### 4. Participación noutros procesos de admisión de FP

As persoas que participen no procedemento de admisión e matrícula para os proxectos de formación profesional dual tamén poderán realizar a solicitude de admisión a ciclos formativos.

**As persoas admitidas (seleccionadas) para un proxecto de FP dual quedarán excluídas do proceso de admisión a ciclos formativos no réxime ordinario e no réxime para as persoas adultas.**

No caso de non seren admitidas (seleccionadas) en ningún proxecto de FP dual poderán continuar no proceso de admisión xeral a ciclos formativos.

**Estar matriculado en calquera ensinanza, incluída a FCT, implica a renuncia a participar no proceso de admisión en ciclos formativos**

#### Período ordinario de admisión

Período ordinario de admisión	
Presentación de solicitudes	24 de xuño ao 2 de xullo ás 13:00 horas
Listaxe provisional de solicitudes	3 de xullo
Reclamación á listaxe provisional	4 ao 5 de xullo ás 13:00 horas
Listaxe definitiva de solicitudes	9 de xullo
Período de selección polas entidades colaboradoras	9 ao 12 de xullo
Relación de persoas admitidas e en espera	15 de xullo
Matriculación das persoas admitidas	16 ao 24 de xullo ás 13:00 horas

**Nota:** lémbrese que as persoas admitidas (seleccionadas) nun proxecto de FP dual quedarán excluídas do proceso de admisión a ciclos formativos no réxime ordinario e no réxime para as persoas adultas.



## Dirección Xeral de Educación, Formación Profesional e Innovación Educativa Admisión a ciclos formativos de formación profesional 2019-2020

# Información importante. Réxime ordinario

## 1. Presentación da solicitude

Deberá cubrirse unha única solicitude para cada modalidade e grao utilizando o asistente informático que estará dispoñible en [www.edu.xunta.es/fp](http://www.edu.xunta.es/fp). A aplicación avisará no caso de que fose necesario achegar documentación e da necesidade de entregar o impreso obtido, xunto coa documentación, en calquera centro de Galicia con oferta de FP sostida con fondos públicos. **A solicitude non terá validez se non está selada, datada e validada polo centro**, agás no caso de que a aplicación indique que a solicitude está validada e que non é preciso entregala nun centro.

No caso de se detectar erros na instancia validada, e durante o prazo de presentación de solicitudes, poderán xerarse e validarse outra/s solicitude/s de admisión que en cada caso substituirán á última validada.

**Os datos das solicitudes admitidas e excluídas publícanse nas listaxes de solicitudes provisional e definitiva, non son listaxes de prazas adxudicadas.**

## 2. Adxudicación de praza

As prazas adxudicadas publícanse nas listaxes de adxudicación. As persoas con praza adxudicada poden:

- **Matricularse:** deberase facer **no centro adxudicado e nos prazos establecidos**. Tamén estará dispoñible a reserva de matrícula a través da aplicación informática. Estar matriculado en calquera ensinanza, incluída a FCT, implica a renuncia a participar no proceso de admisión a ciclos formativos.
- **Renunciar á praza:** deberase facer, nos prazos establecidos, en calquera centro público de Galicia con oferta de FP ou a distancia a través da aplicación informática. A renuncia afectará á praza que lle foi adxudicada e a todos os ciclos sinalados en lugares posteriores na solicitude. Seguirase no proceso de adxudicación para os ciclos anteriores á praza que se renuncia.

- **Non matricularse nin renunciar:** as persoas que non se matriculen nin renuncien a prazas adxudicadas do réxime ordinario **quedarán excluídas do proceso de admisión** para este réxime e só se poderán matricular en prazas que queden vacantes ou liberadas.

## 3. Distribución de prazas por módulo

Distribución das prazas dispoñibles para cada módulo por ciclo e centro para grao medio e para grao superior ao comezo do proceso de admisión:

Cota xeral 90%
Cota do 10 % para persoas con discapacidade
Cota do 5 % a maiores para deportistas de alto rendemento

En cada cota haberá tres grupos segundo o tipo de requisitos de acceso. En cada grupo as solicitudes ordénanse segundo as prelacións establecidas na normativa.

- No caso de **grao medio:**

Grupo A ESO e equivalentes	Grupo B FP básica e PCPI*	Grupo C Proba de acceso e outros
Ata o 70%	Ata o 20%	Ata o 10%

\*Acceso por superación dos módulos obrigatorios de PCPI do curso 2011-2012 e seguintes.

- No caso de **grao superior:**

Grupo A BACH e equivalentes	Grupo B Título de técnico	Grupo C Proba de acceso e outros
Ata o 70%	Ata o 20%	Ata o 10%

**Estar matriculado en calquera ensinanza, incluída a FCT, implica a renuncia a participar no proceso de admisión en ciclos formativos**

Período ordinario de admisión		Período extraordinario de admisión		
			Grao Medio	Grao superior
Presentación de solicitudes	24 de xuño ao 2 de xullo ás 13:00 horas	1ª adxudicación*	3 de setembro	3 de setembro
Listaxe provisional de solicitudes	5 de xullo	Matriculación 1ª adxudicación	3 ao 6 de setembro ás 13:00 horas	3 ao 6 de setembro ás 13:00 horas
Reclamación á listaxe provisional	5 ao 9 de xullo ás 13:00 horas	Presentación de solicitudes	2 ao 10 de setembro ás 13:00 horas	
Listaxe definitiva de solicitudes	16 de xullo	Listaxe provisional de solicitudes	12 de setembro	
1ª adxudicación	16 de xullo	Reclamación á listaxe provisional	12 ao 16 de setembro ás 13:00 horas	
Matriculación 1ª adxudicación	16 ao 23 de xullo ás 13:00 horas	Listaxe definitiva de solicitudes	18 de setembro	
2ª adxudicación	26 de xullo	2ª adxudicación de grao medio	18 de setembro	
Matriculación 2ª adxudicación	Do 26 ao 31 de xullo ás 13:00 horas	Matriculación 2ª adxudicación	18 ao 20 de setembro ás 13:00 horas	

\* A 1ª adxudicación extraordinaria realizarase sobre as listaxes de espera do período ordinario.

**Nota:** lémbrese que as solicitudes presentadas no período ordinario terán prioridade sobre as presentadas no período extraordinario.



## Dirección Xeral de Educación, Formación Profesional e Innovación Educativa Admisión a ciclos formativos de formación profesional 2019-2020

# Información importante. Réxime para as persoas adultas

### 1. Presentación da solicitude

Deberá cubrirse unha única solicitude para cada modalidade e grao utilizando o asistente informático que estará dispoñible en [www.edu.xunta.es/fp](http://www.edu.xunta.es/fp). A aplicación avisará no caso de que fose necesario achegar documentación e da necesidade de entregar o impreso obtido, xunto coa documentación, en calquera centro de Galicia con oferta de FP sostida con fondos públicos. **A solicitude non terá validez se non está selada, datada e validada polo centro**, agás no caso de que a aplicación indique que a solicitude está validada e que non é preciso entregala nun centro.

No caso de se detectar erros na instancia validada, e durante o prazo de presentación de solicitudes, poderán xerarse e validarse outra/s solicitude/s de admisión que en cada caso substituirán á última validada.

**Os datos das solicitudes admitidas e excluídas publícanse nas listaxes de solicitudes provisional e definitiva, non son listaxes de prazas adxudicadas.**

### 2. Adxudicación de praza

As prazas adxudicadas publícanse nas listaxes de adxudicación. As persoas con praza adxudicada poden:

- **Matricularse:** deberase facer **no centro adxudicado e nos prazos establecidos**. Tamén estará dispoñible a reserva de matrícula a través da aplicación informática. Quedará en lista de espera dos módulos do ciclo no que se matricule e que non foran adxudicados. Estar matriculado en calquera ensinanza, incluída a FCT, implica a renuncia a participar no proceso de admisión a ciclos formativos.
- **Non matricularse:** seguirase no proceso de adxudicación para os módulos nos que esté en espera.

### 3. Distribución de prazas por módulo

Distribución das prazas dispoñibles para cada módulo por ciclo e centro para grao medio e para grao superior ao comezo do proceso de admisión:

Cota xeral 90%
Cota do 10 % para persoas con discapacidade
Cota do 5 % a maiores para deportistas de alto rendemento

En cada cota as solicitudes ordénanse segundo a puntuación obtida ao aplicar o baremo establecido para o réxime de persoas adultas.

**Estar matriculado en calquera ensinanza, incluída a FCT, implica a renuncia a participar no proceso de admisión en ciclos formativos**

Período ordinario de admisión		Período extraordinario de admisión		
			Grao Medio	Grao superior
Presentación de solicitudes	24 de xuño ao 2 de xullo ás 13:00 horas	1ª adxudicación*	3 de setembro	3 de setembro
Listaxe provisional de solicitudes	5 de xullo	Matriculación 1ª adxudicación	3 ao 6 de setembro ás 13:00 horas	3 ao 6 de setembro ás 13:00 horas
Reclamación á listaxe provisional	5 ao 9 de xullo ás 13:00 horas	Presentación de solicitudes	2 ao 10 de setembro ás 13:00 horas	
Listaxe definitiva de solicitudes	16 de xullo	Listaxe provisional de solicitudes	12 de setembro	
1ª adxudicación	16 de xullo	Reclamación á listaxe provisional	12 ao 16 de setembro ás 13:00 horas	
Matriculación 1ª adxudicación	16 ao 23 de xullo ás 13:00 horas	Listaxe definitiva de solicitudes	18 de setembro	
2ª adxudicación	26 de xullo	2ª adxudicación de grao medio	18 de setembro	
Matriculación 2ª adxudicación	Do 26 ao 31 de xullo ás 13:00 horas	Matriculación 2ª adxudicación	18 ao 20 de setembro ás 13:00 horas	

\* A 1ª adxudicación extraordinaria realizarase sobre as listaxes de espera do período ordinario.

**Nota:** lémbrese que as solicitudes presentadas no período ordinario terán prioridade sobre as presentadas no período extraordinario.



**Dirección Xeral de Educación, Formación Profesional e Innovación Educativa**

**Admisión a Formación Profesional Dual 2019-2020**

**Instrucións xerais**

**Convocatoria 2019**

(Actualizado 17/06/2019)





## Índice

---

1.	Introdución.....	3
2.	Requisitos de acceso en FP dual.....	3
3.	Prazo de inscrición.....	3
4.	Presentación de solicitudes.....	4
5.	Documentación complementaria.....	5
6.	Información e publicación de listaxes.....	5
7.	Prazo ordinario de presentación de solicitudes.....	5
8.	Listaxe provisional de solicitudes e reclamacións.....	5
9.	Listaxe definitiva de solicitudes.....	6
10.	Período de selección por parte da entidade colaboradora.....	6
11.	Relación de persoas seleccionadas e matrícula.....	6
12.	Liberación de prazas.....	6
13.	Remate do procedemento de admisión e matriculación.....	7
14.	Número mínimo de solicitudes de matrícula.....	7
15.	Acceso mediante titulacións estranxeiras.....	7
16.	Normativa relacionada.....	7





## 1. Introducción

---

A Orde do 14 de xuño de 2019 pola que se actualiza a oferta modular polo réxime de persoas adultas, nas modalidades presencial, semipresencial e a distancia de ciclos formativos de grao medio e de grao superior de formación profesional en centros públicos da Comunidade Autónoma de Galicia para o curso académico 2019-2020, establece a oferta de proxectos de FP dual para o curso 2019-2020.

Así mesmo, na disposición adicional primeira, da devandita orde establece que a normativa de aplicación na ordenación e no proceso de admisión nos proxectos experimentais de formación profesional dual será a que foi establecido na **Orde de 14 de xuño de 2018** pola que se autorizan proxectos experimentais de formación profesional dual de ciclos formativos de formación profesional en centros educativos, en colaboración con diversas entidades, coas seguintes excepcións:

- Poderá presentarse quen teña dezaoito anos ou os cumpra no ano natural de inicio do ciclo formativo. Nesta convocatoria non haberá límite superior de idade.
- As datas relativas ao proceso de admisión para FP dual para o curso 2019-2020 serán as publicadas no calendario específico na páxina de FP: [www.edu.xunta.es/fp](http://www.edu.xunta.es/fp).

## 2. Requisitos de acceso en FP dual

---

- Ter dezaoito anos ou facelos no ano natural en que comece o ciclo formativo. Nesta convocatoria non hai límite superior de idade.
- Cumprir os requisitos de acceso aos ciclos formativos.
- Carecer da cualificación profesional para o posto de traballo obxecto do proxecto.
- Non ter realizado con anterioridade un contrato de formación e aprendizaxe, e cumprir os requisitos establecidos na normativa laboral vixente para poder efectualo.
- Non ter superado ningún módulo profesional do ciclo formativo do proxecto solicitado, agás que fose cursando outro ciclo formativo.

## 3. Prazo de inscrición

---

O prazo de presentación de solicitudes de admisión de FP dual para o curso 2019-2020 será do **24 de xuño ata as 13:00 horas do 2 de xullo**.





## 4. Presentación de solicitudes

Deberáse cumprimentar a solicitude para un único proxecto de FP dual, utilizando o formulario normalizado ED513A (anexo I da orde do 14 de xuño de 2018). O modelo de solicitude estará dispoñible na Guía de procedementos e servizos, no enderezo <https://sede.xunta.gal>, e na páxina web <http://www.edu.xunta.es/fp>.

Cada solicitante presentará unha única solicitude que se entregará preferentemente no centro onde se oferte o ciclo de FP dual para o que solicita a admisión ou en calquera outro que oferte ensinanzas de FP dual.

Se a persoa solicitante presenta máis dunha solicitude ou solicita máis dun proxecto, non se terá en conta a súa petición.

De non ser posible a presentación, directamente ou mediante persoa autorizada, nun centro educativo con oferta de FP dual, poderase presentar en sobre aberto en calquera oficina de Correos, para ser remitida por correo certificado co selo de Correos coa data de entrega, lugar, hora e nome da oficina (artigo 31 do Real decreto 1829/1999), e a persoa solicitante pedirá explicitamente que se fagan constar as circunstancias do envío, logo da comparación co documento de identidade, segundo o referido artigo. A solicitude irá dirixida ao centro onde se oferte o ciclo de FP dual para o que solicita a admisión. A documentación presentada que non sexa orixinal deberá estar compulsada, tamén se deberá incluír unha copia simple do documento de identidade. Será necesario remitir, nos prazos de admisión, unha copia da documentación presentada e selada mediante correo electrónico ao centro ao que vaia dirixida a solicitude. Os enderezos electrónicos dos centros poden consultarse en:

<https://www.edu.xunta.es/centroseducativos/>

Para presentar a solicitude de inscrición para ciclos formativos de FP dual hai que ter en conta o seguinte:

- Unicamente poderá presentar a solicitude de admisión quen cumpra os requisitos de acceso no momento da inscrición.
- Se a persoa solicitante presenta máis dunha solicitude ou solicita máis dun proxecto, non se terá en conta ningunha petición.
- As persoas que participen no procedemento de admisión e matrícula para os proxectos de formación profesional dual tamén poderán realizar a solicitude de admisión a ciclos formativos.
- As persoas admitidas (seleccionadas) para un proxecto de FP dual quedarán excluídas do proceso de admisión a ciclos formativos no réxime ordinario e no réxime para as persoas adultas. No caso de non seren admitidas (seleccionadas) en ningún proxecto de FP dual poderán continuar no proceso de admisión xeral a ciclos formativos.
- Estar matriculado en calquera ensinanza, incluída a FCT, implica a renuncia a participar no proceso de admisión en ciclos formativos.





## 5. Documentación complementaria

---

O artigo 4 da Orde do 14 de xuño de 2018 establece a documentación complementaria necesaria para a tramitación do procedemento.

- Copia do pasaporte ou do documento de identificación da Unión Europea, cando non se dispoña de DNI ou NIE.
- No caso de non ter realizados os estudos ou as probas de acceso no ámbito da Comunidade Autónoma de Galicia, ao abeiro da Lei orgánica 2/2006, do 3 de maio, de educación, certificación académica en que conste o expediente académico e o depósito do título, de ser o caso, ou o certificado da superación da proba de acceso ao ciclo formativo ou da proba de acceso á universidade para maiores de 25 anos.
- Currículo co formato Europass, que se poderá elaborar no enderezo <https://europass.cedefop.europa.eu/es/documents/curriculum-vitae>.

## 6. Información e publicación de listaxes

---

Toda a información e a documentación do proceso de admisión a ciclos de FP dual estará dispoñible no enderezo web [www.edu.xunta.es/fp](http://www.edu.xunta.es/fp).

Nas datas establecidas, as relacións provisionais e definitivas de persoas solicitantes, así como a relación de persoas admitidas e en espera serán publicadas na páxina web de formación profesional. Así mesmo, os centros publicarán as súas listaxes no taboleiro de anuncios.

## 7. Prazo ordinario de presentación de solicitudes

---

As secretarías dos centros docentes, ademais de recoller as solicitudes para a admisión a ciclos formativos, cargarán os datos na aplicación informática “ciclosadmission”, **do 24 de xuño ata as 14:00 horas do día 2 de xullo**.

## 8. Listaxe provisional de solicitudes e reclamacións

---

**O día 3 de xullo** publicaranse as relacións provisionais de persoas solicitantes para cada proxecto de FP dual.

Establécese un **prazo de reclamacións** desde o día **4 ao 5 de xullo ás 13:00 horas**.

Os centros terán de prazo ata o día 5 de xullo ás 14:00 horas para cargaren na aplicación informática os datos coas modificacións xurdidas das reclamacións.







## 9. Listaxe definitiva de solicitudes

---

O día **9 de xullo** faranse públicas as relacións definitivas de persoas solicitantes para cada proxecto de FP dual.

## 10. Período de selección por parte da entidade colaboradora

---

As entidades colaboradoras realizarán as entrevista e selección de persoal desde o día **9 ao 12 de xullo ás 13:00 horas**.

Os centros terán de prazo ata o día 12 de xullo ás 14:00 horas para cargaren na aplicación informática as persoas seleccionadas pola entidade colaboradora.

Hay que lembrar novamente que as persoas admitidas (seleccionadas) pola entidade colaboradora para un proxecto de FP dual quedarán excluídas do proceso de admisión a ciclos formativos no réxime ordinario e no réxime para as persoas adultas. No caso de non seren admitidas (seleccionadas) en ningún proxecto de FP dual poderán continuar no proceso de admisión xeral a ciclos formativos.

## 11. Relación de persoas seleccionadas e matrícula

---

O día **15 de xullo** publicarase a relación de persoas admitidas e en espera en cada proxecto de FP dual. As persoas admitidas deberanse matricular no prazo abranguido desde o día **16 ao día 24 de xullo ás 13:00 horas**. De non facelo perderán os dereitos sobre a matrícula das prazas adxudicadas.

Os centros teñen de prazo ata as 14:00 horas do día 24 de xullo para cargaren as matrículas na aplicación informática que corresponda.

## 12. Liberación de prazas

---

A Dirección Xeral de Educación, Formación Profesional e Innovación Educativa poderá liberar as prazas vacantes dos ciclos formativos con proxectos de FP dual ata o 30 de setembro ás 13:00 horas para alumnado que ademais de acreditar o cumprimento dos requisitos de acceso pase o proceso de selección establecido pola entidade colaboradora.

A relación dos ciclos formativos coa condición de liberados e o número de prazas dispoñibles en cada un deles poderase consultar na páxina web de formación profesional.





## 13. Remate do procedemento de admisión e matriculación

---

O proceso de matriculación rematará en todo caso o día **4 de outubro**. A partir desta data, non se producirá matriculación ningunha sen autorización expresa da Dirección Xeral de Educación, Formación Profesional e Innovación Educativa. Esta autorización farase por medio da aplicación informática que xestiona a admisión.

## 14. Número mínimo de solicitudes de matrícula

---

A normativa que regula a FP dual indica que a autorización da oferta quedará condicionada a que exista un número mínimo de doce persoas seleccionadas. Un número menor de persoas seleccionadas exige a autorización expresa da Dirección Xeral de Educación, Formación Profesional e Innovación Educativa para pór en funcionamento este proxecto experimental de formación profesional dual, e mentres que non se dispoña desta autorización non se poderá formalizar matrícula ningunha.

## 15. Acceso mediante titulacións estranxeiras

---

Os centros que reciban solicitudes de alumnado que acceda con titulacións obtidas fóra do territorio do Estado español deben verificar os datos na aplicación informática, prestando especial atención aos datos persoais e a que os datos da homologación ou da solicitude de inscrición condicional coincidan co indicado na solicitude. O centro será o encargado de gardar a documentación orixinal e de velar por ela.

No espazo habilitado na aplicación (despois de marcar a entrega da solicitude e acceder á ventá de validación) para cargar especificamente a documentación de estudos estranxeiros, o centro deberá cargar un ficheiro pdf co documento de identidade e coa homologación ou a solicitude de inscrición condicional.



## 16. Normativa relacionada

---

- Orde do 14 de xuño de 2018 pola que se autorizan proxectos experimentais de formación profesional dual de ciclos formativos de formación profesional en centros educativos, en colaboración con diversas entidades.
- Orde do 14 de xuño de 2019 pola que se actualiza a oferta modular polo réxime de persoas adultas, nas modalidades presencial, semipresencial e a distancia de ciclos formativos de grao medio e de grao superior de formación profesional en centros públicos da Comunidade Autónoma de Galicia para o curso académico 2019-2020.
- Orde do 6 de maio de 2019 pola que se convocan axudas económicas para o alumnado que realiza formación práctica en centros de traballo ou FP dual (código de procedemento ED202A).

